

LIJE'E SAN PABLO LOCUENA LINIŁ'EPOLA' LAPIMAYE LEFOT'ĒPOĒTSI LIŁYA' CORINTO

¹ Iya' ninPablo. Iya' jouc'a łapima Timoteo linił'elhuo' imanc' lefot'lepolhuo' ŁanDios jilpe liłya' Corinto. Jouc'a tixhuele ilta'a al je'e łapimaye nomana' locuenaye quilelołya' łamats' Acaya, ilne jouc'a i'huexi ŁanDios. Iya' ninPablo, nin'apóstol, alummepa Jesucristo. Tołta'a lixpicepa ŁanDios.

² ŁanDios cał'Ailli', Jesucristo łapoujna titoc'itsolhuo', tipac'e'etsolhuo' lołpicuejma'.

³ ¡Ałs'najtsi'ile ŁanDios! Iłque enDios łapoujna Jesucristo, jouc'a i'Ailli'. Ał'Ailli' jouc'a. Itine itine ał'nujuaitsinga'. Iłque alanDios, alixoc'inga' calata. ⁴Ma małtelcoyi alixoc'inga' calata. Tołta'a lapi'inga' łapicuejma' lixoc'itsola' quileta łapimaye mitełcoyi jouc'a.

⁵ Ma calihuequi Cristo ałtelcoyi, ałtelcoyi to Cristo litełcopa. Ja'ni juaiconapa acueca' ile lałtelcopa jouc'a juaiconapa acueca' alixoc'inga' calata Cristo.

⁶ Jahuay lał'iponga' illanc' ma titoc'i'molhuo' imanc'. Ja'ni ałtelcoyi ŁanDios alixoc'i'monga' calata. Tołta'a illanc' lixoc'i'molhuo' imanc', jouc'a tolunłul'me. Ja'ni ŁanDios joupalixoc'iponga' calata, imanc' jouc'a tolinoxoc'i'mołtsi, tolunłul'me. Tołta'a titoc'i'molhuo' ŁanDios ma mołsnet'łyi latełcoya, ile lałtelcopa illanc'. ⁷ Illanc' a'ı ma le'a ałcuayi: Jouc'a imanc' tołsnet'ł'me.

Ałsina' tołsnet'i'me. Ja'ni tołtełco'me to illanc' małtełcoyi, ŁanDios tixoc'i'molhuo' cunlata ma to lalixoc'iponga' calata.

⁸ Unc'aipimaye, aipic'a ti'ıla' cołsina' te ts'i'ic' laluyalaicopa illanc' małmana' łamats' Asia. Jiłpe linca ałtełcopá. Ałsimpá juaiconapa ipime lałpepajnya. Afule ma'ommołaispá. Ałcuayi: “Ailopa'a całpujfxi. Ma' ałmana'monga'.” ⁹ Lałcuerpo linca ailopa'a quipujfxi. Laluyalaicopá tołta'a ixpic'epa ŁanDios. Ałmuc'inga' aimal'huaiyijm'mołtsi illanc' całtuca', ał'huaiyijnle ŁanDios. Itque nipajnya timaf'i'ina'mola' limanapola'. ¹⁰ Alunłu'eponga' ite al cueca' lałtełcopa, a'i całmanga'. Ja'ni ałtełcoconafe ocuena'ya alunłu'econa'monga'. ¹¹ Imanc' jouc'a locuenaye lapimaye tołsa'huełe ŁanDios, tołmife: “Totoc'itsola' Pablo jouc'a lipimaye”. Tijouła' ałtoc'itsonga' ti'i'ma axpela' lapimaye tix'najtsi'i'me ŁanDios. Tołta'a lo'iya ja'ni imanc' unc'xpela' tołsa'hue'me.

¹² Illanc' tixoqui calata ałcuayi: Jiłpe lałpicuejma' ałsina' ac'a lał'ejma'. A'i oque' lałpicuejma', a'i ma le'a mał'e'eyołtsi ixanuc' ŁanDios, ałınca lihuejcoyi. Mał'eyi lanic' lalapi'iponga' ŁanDios aimalihuejyi całtuca' lałpicuejma'. Tołta'a lał'ejma' ni petsi lałmana' jouc'a pe lołmana' imanc'. Jiłpe lołmana' xonca ał'epá tołta'a. ¹³ Illanc' lalinił'epolhuo' aimifel'micolhuo'. Jiłpe lu'ilhuo' al linca, tołta'a lałnespa. A'i quipime lataiqui', ti'i'ma tolihuej'me. ¹⁴ Linca hualca imanc' limetsaicoponga'. Cacua: Limetsaicotsonga' jahuay ma' anuli. Tołta'a, litine ticuaiconanni lałPoujna Jesucristo tixoj'ma cunlata alimetsaico'monga' illanc' ołpimaye, jouc'a illanc'

alimetsaico'molhuo' imanc' alpimaye.

¹⁵⁻¹⁶ Iya' ainespa: “Linca lapenufta lapimaye nomana' liŷya' Corinto”. Toŷta'a aixpic'epa ate'a cahuejntolhuo', tijouŷa' ca'huaŷa' lamats' Macedonia. Capainanni lamats' Macedonia cahuejn-conatolhuo'. Tijouŷa' cahuejntsolhuo' imanc' la-canumf'enna cane lotsepa lamats' Judea. Toŷta'a oquemma aŷsim'moŷtsi, iya' imanc' noŷmana' jilpe Corinto. ¹⁷ He lainespa: “Cahuejntolhuo’”, ¿te ma le'a canesqui? ¿Ja'ni iya' aicaxa'hue LanDios? ¿Ja'ni aicainicuis'e: “¿Te caif'eya?”? ¿Ja'ni iya' caituca' cacuxeyoxi laipicuejma'? ¿Te caxpic'e ca'huaŷa' jouc'a caxpic'e aica'huaya? ¹⁸ LanDios linca tenanti. Illanc' jouc'a aimafel'miyaley. Litaiqui' laluya'apa iŷe a'i cafellaiqueya cataiqui'. ¹⁹ He litaiqui' LanDios tipalaijma Jesucristo, iŷque i'Hua LanDios. Ja'ni iya' ninPablo, ja'ni Silvano, ja'ni Timoteo, ma' anuli laluya'apa. ¿Te anuli litine luya'ayi: “Cristo i'Hua LanDios”, y ocuena quitine aŷcuayi: “Cristo a'i qui'hua LanDios”? A'i. Aimi'iya mipai'iyacoxi Cristo. Maŷque LanDios joupa imujpa Cristo ma' i'Hua. ²⁰ LanDios joupa lu'iponga': “Toŷe, toŷe lapi'iyacolhuo’”, iŷque Cristo aŷmuc'inga' aŷinca iŷe lataiqui'. Maŷ'huaiyijnyi Cristo iŷque lapi'i'monga'. Toŷta'a tolimetsaico'me acueca' ac'a LanDios, iŷque laŷpalaicopa illanc' maŷ'eyi lanic' jilpiya.

²¹ Illanc' imanc' ma LanDios aŷfa'eponga' laŷpicuejma' maŷ'huaiyijnyi Cristo. Toŷta'a aimalpai'iyacoŷtsi. Maŷque LanDios aŷpaxneponga'. ²² Nulemma limetsaicoponga' ixanuc'. Lapi'iponga' cal Espiritu Santo, toŷiya i'ipa caŷsina' illanc' i'huexi LanDios.

23 Tama aixpic'epa ca'huała' cahuejntsolhuo', aicai'huac'. Aicaifel'milhuo'. Tołta'a ixina' LanDios, ixina' li'ipa. Iya' aiximpolhuo' cuanuc'. Aines'ma: “Ca'huaico'ma tuyaiła' oque' afane' quitine. Ja'ni a'i, cacuaitsi cataletola' ilne laipimaye.” 24 Illanc' a'i cołpoujnalá. Aimalu'ilhuo': “Tołe, tołe, tolihuejle Jesucristo”. Ma le'a ałtoc'ilhuo' tuluyalaicołe tixojla' cunlata. Ałsina' toł'huaiyijnyi Cristo, ma ti'hua tolihuejle.

2

1 Iya' aixpic'epa, camiyoxi: “Aica'huaconaya liłya' Corinto. Tołta'a aiqixtuc'oyacola' laipimaye.” 2 Cacua: “Iya', ja'ni cahuos'mitolhuo', ¿naitsi nalixoc'iya neta? Ailopa'a. Ja'ni joupā aihuos'mipolhuo', imanc' aimi'iya malixoc'iconaya neta.” 3 Tołta'a ninił'epolhuo' ilē al je'e lainumme'epolhuo'. Cacua: “Tixanu'itsołtsi, tijouła' ca'hua'ma. Tołta'a lixoc'i'ma caineta, aimalapi'iya quixhuejma'.” Cacua: “Ja'ni iya' quixoqui neta, laipimaye jilpe Corinto jouc'a tixoj'ma quileta”. Tołta'a laif'huaiyijnccopolhuo' imanc'.

4 Iya' ma quiniłi ilē cołje'e cajoqui juaiconapa, tic'equi axpe' cainujuay. Li'ipolhuo' imanc' ałhuos'mipa acueca'. Unlejpa lainunxajma'. Laininił'epolhuo' aicaipic'a cahuos'miyacolhuo'. Ma' aipic'a ti'ila' cołsina' ca'elhuo' capic'a juaiconapa, tołta'a laininił'epolhuo'. 5 Ilque ni'epa aijc'a aicalscai'e iya'. Ixcai'epolhuo' imanc'. Tama tołta'a laifcuapa jouc'a cacua: Ilque aimixingufco'ma ujfxi ilē laitaiqui', iya' aicateł'miconaya. 6 Lanxpela' imanc' joupā

ołspic'epá loł'eyacu. Joupa oł'epá tołta'a, ołteł'mipá. Małpe tipanenni. ⁷ Itsiya aimołteł'miconá'me. Tolimenc'e'ecołe lijunac'. Tolixoc'ile queta. Ja'ni a'i, aga xonca tihuotso'ma, tetełquehuo lipicuejma' nulemma, tenaj'moxi xonca. ⁸ Caxc'ai'ilhuo' tołpalaic'ole al c'a, ti'ila' quixina' tont'eyi capic'a.

⁹ Iya' laininił'epolhuo' ile lołje'e aipic'a lihuejcołá' iya' laicuxe'epolhuo'. Tołta'a lonł'epa. Joupa ołteł'mipá lołpima. Itsiya aixina' imanc' ałcuc'e iya' laifcuxe'epolhuo'. ¹⁰ Camilhuo': Anuli łapima ja'ni tolimenc'e'ecoyi lijunac', iya' jouc'a quimenc'e'eco'ma lijunac'. Iya' cacua: Petsi laicuicomma quimenc'e'ecołá' lijunac' ma quimenc'e'eco'ma, joupa nimenc'e'ecopa. Tołta'a cai'ecopa ca'nujuaitsilhuo' imanc', ma' anuli li'epa Cristo. ¹¹ Ticuicomma limenc'e'ecołe lijunac' łapima. Ja'ni a'i łonta'a Satanás lulij'monga'. Joupa limetsajma te ts'i'ic' lipicuejma' ilque. Tehuay te co'iya małc'aılcołeyacu.

¹² Litine lai'huapa liłya' Troas joupa aixpic'epa cuya'ata jilpe litaiqui' Cristo, ile loya'apa al c'a lixplic'epa ŁanDios. Laicuaitsi jilpe łamats' linca tipa'a lane ca'etsi lanic', ile lalapi'ipa łalPoujna Jesucristo. ¹³ Iya' a'i quixoqui neta. Jilpe Troas ailopa'a łaipima Tito. Ilque lałejmalepa, anuli ał'eyi lanic'. Aiquicuaiya. Iya' caxhuelmot'le. Aicalcołi. Aixc'ai'ina'mola' lapimaye. Nipanni jilpiya ai'hua'ma łamats' Macedonia.

¹⁴ ¡X'najtse'eya ŁanDios! Illanc' pe Cristo lapenufponga', ŁanDios joupa alulijponga', i'ipa ałPoujna, lihuejcoyi ilque. Itine itine ałejmaleyi. Ni petsi lałtseyacu lan xanuc' ałsinguf'monga' ixanuc'

Cristo. Ti'i'ma quilsina' te ts'i'ic' lipicuejma' itque. Tolta'a tixpic'e LanDios. ¹⁵ Ma LanDios allanc'e'enaponga' la'picuejma', ti'ila' quilsina' lan xanuc' te ts'i'ic' lipicuejma' Cristo. Ja'ni itne nonlu'eyacola', ja'ni nacaniyacola', ma' anuli alsingufinga' ixanuc' Cristo. ¹⁶ Linca itne nacaniyacola' aimepenufyi lataiqui' loya'apa: "Cristo imaf'inapa". Ticuayi: "Imanapa nulemma". Itne aimepi'inyacola' al ts'e quilpitine. Petsi nonlu'enyacola' itne linca itsina' Cristo imaf'inapa, tipa'a al ts'e lipitine.

Anuli cal xans, ¿ja'ni quituca' nipajnya ti'e'ma itta'a lanic' la'epa illanc'? A'i, aimi'iyá. ¹⁷ Illanc' aimaf'eyi to itne pe a'ij lijca loya'apa litaiqui' LanDios. Itne tihuants'iyi Lataiqui' y ocuena cataiqui'. Illanc' a'i oque' la'picuejma'. Alsina' joupá lapenufponga' Cristo, LanDios alquimf'enga'. Al'nujuaisyi LanDios lummeponga' luya'ale litaiqui'.

3

¹ Itsiya, illanc' ¿ja'ni alpalaicocona'moitsi al c'a? Linca timana' lapimaye notaipá lijje'e timuc'itsolhuo', tolapenuftsola'. O itpic'a tolapit'sola' quilje'e tepenufintsola' lapimaye nomana' ocuena quilja'. ¿Te ticuicomma toitsinle jouc'a illanc' calje'e? ¿Te tolta'a limetsaico'monga'? ² A'i. Ma' imanc' ti'onlcospolhuo' to alje'e. Li'ipolhuo' imanc' tocomma to joupá inilingaita lalunxajma'. Itne la'je'e jahuay tixhueyi, ti'i quilsina' li'ipolhuo' imanc'. ³ Ja'ni alcuaitsa pe lomana' lapimaye aimalmuc'iyacola' calje'e linilcompa atinta, ite ailopa'a, aicaltaic'. Ma' imanc'

ti'on'ocospolhuo' to ihe ije'e Cristo lalapi'iponga' illanc', a'hmuc'itsola' lapimaye.

Luyaipa quitine ËanDios ini'pa jilpe loque' lopic' litaiqui' locuxepa. Itsiya cal Espíritu Santo, i'que h'Espíritu Ëimafi' CanDios, ini'pa litaiqui' lolunxajma' imanc'.

⁴ Illanc' a'sina' ma le'a Cristo lapi'iponga' la'picuejma', to'ta'a a'eyi lanic', ihe lalapi'iponga' ËanDios. ⁵ Illanc' ca'tuca', ¿ja'ni acueca' ti'hua la'mane? ¿Acueca' la'eyacu? A'i. Illanc' ca'tuca' ailopa'a ca'eyacu, ma' i'que ËanDios lapi'iponga' la'mane, la'picuejma'. ⁶ To'ta'a nipajnya a'e'me lanic', luya'ayi Lataiqui', ihe al Ts'e Cataiqui' ËanDios lipo'no'ipola' lixanuc'. Illanc' a'i maluya'ayacu lataiqui' loya'apa locuxepa ËanDios. A'i to'ta'a la'penic'. Ihe lataiqui' aimi'ya malun'u'eyaconga', le'a lacani'e'monga'. Illanc' tipa'a la'penic' luya'ate lo'epa cal Espíritu Santo. I'que lapi'inga' al ts'e la'pitine.

⁷ Moisés uya'a'ma la'taiqui' lini'ya jilpe lopic'. Tama ihe loya'apa Moisés tecani'e'mola' lan xanuc', ËanDios imuc'ipola' acueca' ac'a juaiconapa lanic' lepi'ipa Moisés. I'e'epa tunts'ifqui li'a. Ihe lunts'ifpa, tama aimico'ya, juaiconapa acueca' tunts'ifqui. Lan xanuc' Israel aimi'ya mi'hua mehuelojnyacu, tunlequi li'u'.

⁸ Illanc' luya'ayi lo'epa cal Espíritu Santo, ihe a'penic'. ¿Te ja'ni ËanDios ai'quimetsaijma xonca acueca', xonca ac'a ihe lanic'? ⁹ ËanDios imet-saicopa acueca' ac'a juaiconapa ihe lipenic' Moisés, i'que luya'apa lataiqui' lacani'eyacola' lan xanuc', imuc'i'mola' tipa'a li'junac'. Itsiya ËanDios, ¿te aimimetsaijma xonca acueca' ac'a lanic' la'epa

illanc'? Lataiqui' laluya'apa illanc' ticua: “Ja'ni tolihuejcofe, LanDios tepenuf'molhuo' to ailopa'a coljunac”.

¹⁰ LanDios limetsaicopa acueca' lipenic' Moisés, limetsaicopa juaiconapa ac'a lataiqui' loya'apa, unts'if'ma li'a Moisés. Itsiya illanc' lulijpá Moisés. Xonca acueca' juaiconapa laʔpenic', xonca ac'a lataiqui' luya'ayi, xonca limetsaico'monga' LanDios. ¹¹ Ihe lipenic' Moisés, tama aimicoʔya, LanDios imetsaicopa, imujpa acueca', ac'a. Lanic' la'epa illanc' jouc'a lataiqui' laluya'apa, ticoʔma, aimijouya. Ocuena cataiqui' xonca al c'a, ailopa'a. Tijouʔa', ¿te LanDios aimalimetsaicoyaconga' illanc' laʔpenic'? Linca xonca limetsaico'monga', timuj'ma xonca acueca' ac'a lanic' aʔeyi.

¹² Alsina' ma toʔta'a ti'e'ma LanDios. Toliya, ja'ni aʔpalaic'otsolhuo' o lu'itsolhuo', aʔpalai'me acuajmaica cataiqui'. ¹³ Illanc' la'ejma' aimi'onʔspa to li'ejma' Moisés. Ique tiju'e lijahua' jilpe lijuac. Emi'ma li'a. Ticua: “Laipimaye, lixanuc' Israel, aimalahuelonc'e'e'ma lai'a miʔonginghua lonts'ifpa”. Illanc' ailopa'a calamiyacu. Aimijouya illanc' laʔpenic'.

¹⁴ Ihe lan xanuc' niquimf'epá Moisés aiquiʔcueca lataiqui' loya'apa iʔque. Joupa i'ipa ata liʔpicuejma'. Ma toʔta'a itsiya. Tama tixhuef'innila' iʔe lataiqui' liniʔpa Moisés, iʔe lixanuc' Israel aimicuec'eyi, tocomma afohue, tocomma iʔfi'ejma ijahua' jilpe liʔu'. Aiquiʔsina' li'epa Cristo. Ique enant'lipa iʔe litaiqui' Moisés, lapi'iponga' al Ts'e Lataiqui'. ¹⁵ Toʔta'a li'ipola' iʔe lan xanuc', ma' anuli itsiya aiquiʔonc'e'ennila' iʔe lijahua' lopa'a jilpe liʔu'. To afohue, aiquiʔsina'. Miquimf'eyi litaiqui' Moisés

aimicuec'eyi. ¹⁶ Lataiqui', ite loya'apa li'ejma' Moisés, ticua: “Lipalaic'ohuo'ma łatPoujna, exijpa li'a, joupa itonc'epa lijahua' jítpe li'a”. Lan xanuc' Israel jouc'a ti'i'ma tilojm'ma ite lijahua'. Cua naitsi ihniya ja'ni tipai'itla' lipicuejma' timet-saico'ma łatPoujna, tipalaic'o'ma itque. ¹⁷ Lataiqui' locuapa “... łatPoujna”, ite tinescojma cal Espíritu Santo. Ja'ni atejmaleyi itque cal Espíritu Santo ailopa'a calpa'neyaconga', tipa'a lane atpalaic'o'me cal'Ailli' ŁanDios.

¹⁸ Małpalaic'oyi łatPoujna tocomma lahuelojnyi itque, joupa laxi'emponga' łatpicuejma'. Ailopa'a calpa'neyaconga' łat'u'. Łat'as xanuc' lahuelojntsonga' illanc', tixim'me te ts'i'ic' itque łatPoujna. Itine itine łat'ejma' ti'hua ti'onłcospa to li'ejma' Cristo. Tołta'a lo'epa łatPoujna cal Espíritu Santo, itque ti'hua atpai'inga' illanc' łatpicuejma'.

4

¹ Illanc' aimatsinyi quixoqui maluya'ayi Lataiqui'. Illanc' caltuca' aicalfajyołtsi, ma ŁanDios ixpic'epa, atfajponga', atpaxneponga', lapi'iponga' łatmane, łatpenic'. ² Illanc' atpo'nopá łatpicuejma' at'ełe ma le'a al c'a. Aimał'eyacu to lo'epa itne noximpá calaic'ata. Itne aimuya'ayi te ts'i'ic' lo'epa. Itsina' aimetenłma. Illanc' aimatfel'miyaleyi, ni aimathuants'iyi Lataiqui' y ocuena cataiqui'. Luya'ayi ma litaiqui' ŁanDios. Tołta'a ni petsi łatseyacu lan xanuc' limetsaicotsonga' at'eyi ma le'a łanic' łalapi'iponga' ŁanDios.

³ Illanc' atpalaiyi al cuajmaica cataiqui'. Petsi aimunłu'enyacola' le'a ihniya aimicuec'eyacu.

⁴ Ihniya afohue, tołta'a li'e'epola' Satanás. Itque

ihpincuxepa petsi naihuejpa' quilituca' lipicuejma'. Tohiya Lataiqui' aimepalc'o'ila' lipicuejma'. Ihe Lataiqui' tuya'e' te ts'i'ic' Cristo, ihque ma' anuli to qui'i'ic' LanDios. Ihe aimi'iya mixinyacu tohta'a.

⁵ Illanc' aimalpalaicoyotsi. Alpalaicoyi Jesucristo, luya'ayi: "Ihque ihPoujna lan xanuc'". Illanc' ah'eyi lanic' lalapi'iponga' Jesús, tohta'a altoc'ilhuo' imanc', tocomma illanc' ołmozó.

⁶ Lipangopa li'a łamats' LanDios icuxe'ma icua'ma: "Jilpe al muf ti'ila' epalc'o'". Małque LanDios lapalc'o'iponga' illanc' lałpicuejma', limetsaicoyi te ts'i'ic' LanDios. Ipic'a alulif'etsola' lał'as xanuc', ti'ila' quilsina' ihne te ts'i'ic' LanDios. Małque Jesucristo timuc'i'mola' tohta'a.

⁷ Illanc' linca ma le'a ninc'ixanuc', acueca' lalapi'iponga' LanDios. Lałcuerpo ti'onłcospa to lapixu lilanc'ecompa ixitsqui, hiPoujna i'nij'mipa acueca' lipitali. Tohta'a ja'ni lan xanuc' tixinyi acueca' lał'epa ti'ila' quilsina' a'i caltuca' mał'eyi, ihe al cuecaj lo'epa LanDios. ⁸ Illanc' linca altantsinga', aicaluxpats'inga' nulemma. Tama aicalsina' te cał'eyacu, ti'hua ah'huaijnyyi LanDios. ⁹ Tama lan xanuc' alihuetsoquinga', LanDios aimalpo'nonga' caltuca'. Tama alscail'enga', aimi'iya malulijyaconga' nulemma, ma' almaf'i'.

¹⁰ Tohta'a lałtelcopa illanc'. Mipa'a fa'a li'a łamats' lałPoujna Jesús ixingufcopa latełcoya jilpe licuerpo, imapa. Jouc'a illanc', ni petsi lałtsepa altelcoyi, tohta'a jifa'a lałcuerpo i'huáqui al ts'e lałpitine lalapi'iponga' Jesús limaf'inapa.

¹¹ Cacua: Małmana' fa'a li'a łamats' illanc' mał'eyi lanic' lalapi'iponga' Jesús, itine itine tocomma alma'a'monga', alma'monga'. Tama ti'hua tijaf'que

laɫcuerpo, tama aɫma'monga', ma caɫmaf'i i'húaqui al ts'e laɫpitine lalapi'iponga' Jesús. ¹² Toɫta'a illanc' laɫpepajnya. Illanc' aɫsingufcoyi lamaya, imanc' toɫsingufcoyi al ts'e loɫpitine.

¹³ Al Paxi Linikingiya tuya'e': "Ai'huaiyijmpa ËanDios, toɫiya aipalaic'opola' lan xanuc'". Toɫta'a illanc' laɫ'ejma'. Aɫ'huaiyijnyi ËanDios, aɫpalaic'ola' lan xanuc'. ¹⁴ Aɫsina' laɫ'iyaconga' ti'i'ma ma' anuli to li'ipa Jesús. ËanDios limaf'i'ina' Jesús jouc'a aɫmaf'i'ina'monga', lapenufnatonga' jilpe. Illanc' imanc' lapenufnatonga'. ¹⁵ ËanDios lixpicepa lo'iya i'nujuais'molhuo' imanc'. Ipic'a xonca toɫsinke te ts'i'ic' litoc'iyalepa. Tijouɫa' imanc' unc'xpela' toɫs'najtsi'i'me ËanDios. Toɫta'a tixinim'me acueca' ËanDios.

¹⁶ Illanc' maɫ'huaiyijnyi ËanDios aimatɫsospanga'. Laɫcuerpo linca ti'hua tijaf'que, al ts'e laɫpitine lalapi'iponga' Jesucristo aimijaf'que. Iɫe laɫpitine itine itine tepi'im'me quipujfxi. ¹⁷ Laɫtelcopa fa'a xonca juaiconapa acueca' aɫtoc'inga'. Maɫtelcoyi fa'a lulijyi lalapi'iyaconga' pu'hua locuena capajnya. Laɫtelcopa fa'a li'a lamats' aimi'onɫya to lalapi'iyaconga' pu'hua. Fa'a aimicoɫya lateɫcoya. Jipu'hua al cueca' al c'a lalapi'iyaconga' ËanDios aimijouya lojauhuamlaicoya. ¹⁸ Toɫiya jahuay li'huáqui fa'a li'a lamats' aimat'nujuaisyi. Aɫ'nujuaisyi te ts'i'ic' lopa'a jilpe petsi aici'huáqui. Jahuay pe ts'i'huáqui aimicoɫya, ti'hua tijou'ma. Petsi aici'huáqui, iɫe aimijouya.

5

¹ Maɫmana' fa'a li'a lamats' laɫcuerpo ti'onɫcospa to anuli calx'huijma', jilpe lopanc'epa laɫ'espíritu.

Ma metelquenahuo ilque lix'huijma' tipa'a lejut'l la'espíritu, ile lalapi'iyaconga' LanDios. Ite lajut'l lopa'a pu'hua lema'a, aiqullanc'e lan xanuc'. Aimi'iya metelc'eya. ² Jiipe la'picuejma' alsina' alinca tipa'a ile lalajut'l. Toliya ma ma'mana' fa'a la's'huijma', la'espíritu afule mixnet'lqui, aimicua mi'huaicoya tetelquenni ile lix'huijma', ipic'a ma' itsiya titsufainatsi lejut'l. ³ Ti'ila' to'ta'a, la'espíritu aimi'hualejma' quituca'. Jiipe lejut'l titsufainata, tipajnta tijauhuamlaicoya.

⁴ Linca mipa'a la'espíritu fa'a la'cuerpo afule ma'snet'lyi, alsinyi ipime la'iyaconga'. Alcuayi: "Aimetelquehuo ile la'cuerpo. Aimico'l'ma quituca' la'espíritu, titsufaila' nulemma locuena lejut'l." Ti'ila' to'ta'a aimalmaconayacongá, ti'hua calmafi'. ⁵ Ne'. Aixina' almaf'icona'me. LanDios ilanc'e'epa la'picuejma', lapenuftonga'. Lapi'iponga' cal Espíritu Santo, to'ta'a al'muc'iponga' alinca almaf'i'inatonga'.

⁶ Toliya tixoquei calata luyalaicoyi lapajnya. Linca mipa'a la'espíritu fa'a lix'huijma', ile la'cuerpo, alsina' lahue'enga', aicallaitsufcongá la'Poujna Jesús. ⁷ Ma'mana' fa'a aimalahuelojnyi te ts'i'ic' mipa'a pu'huanni. Ma' al'eyi linca lataiqui' lalu'iponga'. To'ta'a luyalaicoyi lapajnya.

⁸ Cacua: Al'eyi linca lataiqui' lalu'iponga'. Juaiconapa aljanajyi alpo'nole la'cuerpo, almajntsa anuli la'Poujna. ⁹ Toliya al'pic'eyi al'ete al c'a. Tetencocola' la'Poujna ile la'ejma'. Ja'ni al'mana' fa'a li'a lamats', ja'ni joupa alenapá lu'itsonga' la'Poujna: "Ac'a lo'ejma'". ¹⁰ Jahuay alcuainata pe lopa'a Cristo, ilque al'Juez. Jiipe linca ti'huájta acujmaica te ts'i'ic' la'picuejma', la'ejma'. Ti'huájta

te ts'i'ic' li'ipa laf'epa anuli anuli małmana' fa'a li'a łamats', mipa'a laf'espíritu fa'a lix'huijma', ike laf'cuerpo. Ma to laf'epá, ja'ni ac'a o ja'ni a'ijc'a, tołta'a ał'najtse'etonga'.

¹¹ Illanc' lihuejcoyi laf'Poujna. Ałspic'eyi ał'ele al c'a, limetsaicotsonga' laf'as xanuc', ti'ila' quilsina' ałınca ał'eyi ike lanic' lalapi'iponga' ŁanDios. Małque ŁanDios joupa limetsaiconga', ixina' te ts'i'ic' laf'picuejma'. Iya' cacua: Jouc'a imanc' ałsininga', limetsaiconga'. ¹² Itsiya, ¿ja'ni ti'hua lu'icona'molhuo': "Illanc' ał'eyi lanic' lalapi'iponga' laf'Poujna"? A'i. Ma' ałpic'a tixoj'ma cunlata tolu'iyale'me: "Pablo jouc'a likejmale ałpomxiye". Tołta'a tołnes'me ja'ni limetsaico'monga' illanc' lummeponga' ŁanDios. Jouc'a ti'i'ma tołtalai'e'mola' ike naihuejpá li'huáquila' xonca tetentłcocola'. Ike aimipo'noyi cuenna te ts'i'ic' łunxajma'. ¹³ Tama ałnesconga', ticuayi: "Iłque Pablo tipalay to łamac'ta", o ticuayi: "Pablo tocomma acueca' quipicuejma'"; iya' cacua: ¿Te co'iya? Ja'ni tocomma to ninc'amac'ta illanc', tołta'a ał'eyi lanic' lalapi'iponga' ŁanDios. Ja'ni tocomma to acueca' laf'picuejma' lalapi'iponga' ŁanDios, tołta'a ałmuc'ilhuo' imanc'.

¹⁴ Ał'nujuaisyi li'epa Cristo. Iłque ałsimponga' ninc'icuanuc'la, icupoxi tima'anke. Mał'nujuaisyi iłta'a aimi'iya mał'eyacu lalatenłcocoyaconga'. Joupa itsufaipa laf'picuejma' te ts'i'ic' li'ipa iłque Cristo. Limanapa Cristo iłque i'najcuf'mola' liłjunac' jahuay lan xanuc'. Tołiya tocomma to jahuay joupa imanapola' jouc'a. ¹⁵ I'najcuf'mola' liłjunac' jahuay lan xanuc' tuyalaicolę ituca'

lapajnya. Ticuicomma aimicuxeyacołtsi quilituca', aimihuejyacu quilituca' liłpicuejma'. Tihuejcole itque limanapa i'najcuf'mola' liłjunac', lijou'ma imaf'ina'ma.

¹⁶ Totiya illanc' lapenufpola' lan xanuc' a'i to qui'ic' liłsans, liłraza o ja'ni i'hueca o aiqui'hueca. Tołta'a lił'ejma' itniya pe naihuejcopá quilituca' liłpicuejma'. Ja'ni luyaipa quitine tołta'a lañescopa Cristo, itsiya a'i. ¹⁷ Itsiya linca ipai'ipa nulemma lałpicuejma'. Cristo lapenufponga', lapi'iponga' al ts'e lałpitine, ipangoconapa lałpepajnya. Al te'a lał'ejma' joupa ijoupa. Jahuay i'ipa ats'e. Ma' anuli lo'ipola' jahuay itne lepenufpola' Cristo.

¹⁸ Linca jahuay itiya li'epa ÑanDios. Itque i'epa lixpice'epa, aliłonc'e'e'ponga' lałjunac', ałejmale anuli. Totiya umme'ma Jesucristo ticuxoxi, timatsi jilpe lancruz. Małque ÑanDios lapi'iponga' lałmane lu'itsola' lan xanuc': "ÑanDios aimixtuc'olhuo', tepenuf'molhuo'". ¹⁹ Lu'ila': "Limanapa Cristo jilpe tipa'a ÑanDios. Jilpe itonc'e'epolhuo' jahuay lopa'nepolhuo' imanc' nołmana' fa'a li'a łamats', imanc' pe aimi'iya monłejmaleyacu ÑanDios. Aiquitac'uilhuo' lołjunac', itac'uipa Cristo. Tołta'a epi'i'molhuo' lane tonłejmalete ÑanDios."

Male lałpenic' lu'itsola' tołta'a. ÑanDios lapi'iponga' lataiqui' laluya'apa. He lataiqui' tuya'e: "ÑanDios aimixtuc'olhuo'. Tepenuf'molhuo'." ²⁰ Illanc' epaluc' Jesucristo. Małpalaiyi illanc' tocomma to ÑanDios tixc'ai'ila' lan xanuc'. Luya'ayi, lu'ila': "Cristo lummeponga'. Ałsahue'elhuo': Tołejmalete ÑanDios."

²¹ Cristo tama ailopa'a quijunac', ÑanDios iximpa to ixcay lipicuejma', iteł'mipa. Itque Cristo

i'onhicopoxi to illanc', i'najtsepa lałjunac'. Tołta'a, ja'ni Cristo lapenufponga', LanDios ał'onhicoponga' to Cristo, ałsininga' to ailopa'a całjunac'.

6

¹ Illanc' LanDios ał'eyi lanic' anuli. Ałsc'ai'iyaleyi, lu'ila': "Tijoułta' titoc'itsolhuo' LanDios aimoluyalaico'me to li'ipa". ² LanDios ticua:

Litine laifxpica'epa catoc'i'mo', ike litine aicuejpo'. Litine lainespa: Cunłu'eyale'ma, małe litine aitoc'ipo'.

Iya' camilhuo': Litine linescopa LanDios "... ike litine", ma' itsiya. Itsiya ti'hua tunłu'eyale.

³ Mał'eyi canic' anuli LanDios aimal'eyacu lixcay. Ałcuayi: "Ja'ni ac'a lał'ejma' lan xanuc' aimetets'iyacu lałpenic'". ⁴ Itine itine ałcuayi:

"Ti'ila' quilsina' ałınca ał'eyi lanic' anuli LanDios". Ał'ommołaispá jahuay: Ja'ni ałtełcoyi, ja'ni lahue'enga', ja'ni tocomma ałtants'inga' lapajnya, ⁵ ja'ni ałsinc'ue'enniga', ja'ni ałtats'enniga', ja'ni alahuoc'huaiyininga', ja'ni ał'eyi juaiconapa acueca' canic', ja'ni ałhaquinga' cahuí, ja'ni ałsnet'łyi małjoc'iyi LanDios, jahuay iłna'a ał'ommołaispá.

⁶ Aimalfel'miyaleyi. Lałpicuejma', lałtaiqui', lał'ejma' anuli le'a. Limetsaiconayi te loya'apa Lataiqui', ałsnet'łyi lał'emponga', ałpalaic'ola' jahuay lan xanuc', ałmujiyi lapenufpá cal Espíritu Santo, ał'ela' capic'a lał'as xanuc', ał'nujuaitsila', a'i ma le'a małnesyi: Ima' ca'ehuo' capic'a.

⁷ Luya'ayi ma' al linca cataiqui', ałmujiyi al cueca' lo'epa LanDios, ał'eyi al c'a, tołta'a ałcuanałcoyołtsi, aluliquila' lalixtuc'oponga'. Tołta'a ałmujiyołtsi ałınca LanDios lapi'iponga' lałpenic' lał'epa.

⁸ Ja'ni al c'a luyalaicoyi, ja'ni a'ijc'a laluyalaicopa, ja'ni al c'a aħnesconga', ja'ni a'ijc'a laħnescoponga', ja'ni aħminga' cataiqui', ticuayi: "Imanc' toħfel'miyale", o ja'ni aħpalaic'onga', aħminga': "Toħcuayi ma' al ĩnca", ⁹ ja'ni aimalimetsaiconga' o ja'ni limetsaiconga', ma' anuli aħmujyoħtsi aħ'eyi lanic' lalapi'iponga' ĽanDios.

Tama tocomma ji'hua aħmana'monga', ĵatsintsonga'! ĵma' aħmaf'i! Tama aħteħminga' a'i caħma'anga'. ¹⁰ Tama aħteħcoyi luyalaicoyi tixoquei calata. Tama ailopa'a caħtomí, acueca' lalapi'ila' laħpimaye. Lapi'ila' Lataiqui' laluya'apa. Tama ailopa'a caħhueca, ĩnca jahuay aħ'huexi.

¹¹ Unc'aipimaye, imanc' noħmana' liħya' Corinto, capalaic'olhuo', camilhuo' jahuay lopa'a laipicuejma'. Itine itine acueca' aħ'nujuaitsilhuo'. ¹² ĩllanc' ailopa'a tintsí. ĩllanc' jahuay ĵalunxajma' aħpalaic'olhuo', imanc' a'i. ¹³ Iya' camilhuo': Imanc' ĵouc'a aimalatets'i'monga', lapenuftsonga' laħtaiqui' laħsc'ai'ipolhuo'. Caxinnilhuo' to ainaxque', toħta'a capalaic'olhuo'.

¹⁴ Iya' camilhuo': Aimoħ'e'e'moħtsi anuli ĩħne pe aimihuejcoyi ĽanDios. ĩħniya aimitoc'iyacolhuo'.

Ima', ĽanDios ĵoupa ĩlanc'e'epo' lopticuejma', ĵte comuc'iyaco' ĩħque pe aimihuequi locuxepa ĽanDios? Lipuqui' y ĩtine, ĵte tiyejmale'me? ¹⁵ Cristo y Satanás, ĩħque ĩecui'impá Belial, ĵte ĩħniya anuli ĩlipicuejma'? Ima' to'huaiyinge ĽanDios, ĩħque aimi'huaiyinge, ĵte anuli loluyalaicoyacu? ¹⁶ Lejut'ħ ĽanDios y landiosla', ĵte ti'ima tixinc'ne'moħtsi? Imanc' ejut'ħ ĽanDios, ĩħque ĩmaf'i' CanDios. Maħque ticua:

Pe lomana' ihniya jilpe capajnta, malpiya aksim'ma
aimaf'i',

camuj'moxi iya' linca ilenDios, ihniya aixanuc'.

¹⁷ Tohiya: Tolihuejcole lomipolhuo' LanDios. Itque
ticua:

Tolanajtsoltsi ihne pe aimalihuequi iya', tonlele ac-
uli'.

Aimolioc'olai'me jilpe pe laiflaijpa, ile al xujc'a.

Tijoula' capenufna'molhuo'.

¹⁸ Imanc' alimetsaico'ma iya' ol'Ailli',

iya' quimetsaico'molhuo' ainaxque' amijcanó,
ahuats'la'.

Iya' NanDios, tohta'a laifcuapa. Iya' jahuay cacuxe.

7

¹ Maicunc'aipimaye, ac'a juaiconapa ile
licuapa LanDios, ile lalu'iponga'. ¡Lihuejcole!
Al'etsoltsi limpio. Ja'ni la!cuerpo, ja'ni la!picuejma',
aimalxisc'econa'moltsi. Ti'ila' le'a al c'a la!eyacu.
Lihuejco'me LanDios. Tohta'a itine itine ti'hua
tilajm'ma la!picuejma', xonca tetenlcoco'ma LanDios.
La!ejma', jouc'a ti'hua tilajm'ma, tijoula' ti'on!ta to
li'ejma' LanDios.

² Unc'aipimaye, aimalatets'i'monga',
limetsaicotsonga', illanc' olpimaye. Malmana' jilpe
nij naitsi cal'najtsecopa a'ijc'a. Al'epá ma le'a al hijca.
Nij naitsi calpo'nopa pangay pangay. Nij naitsi
cafel'mipa. ³ Laifnespa tohta'a aicatalelhuo'. Joupa
aimipolhuo': Itine itine al'njuaitsilhuo'. Ja'ni
olmaf'i' tixoqui calata. Ja'ni joupa imanapolhuo'
tocomma jouc'a almanaponga'. ⁴ Iya' juaiconapa
ca'huaiyingilhuo'. Acueca' ac'a lainesopolhuo'.

Tama atelcoyi tixoqui neta juaiconapa cuyaijma, joupa lixoc'impa neta.

⁵ Atcuaitsa fa'a lamats' Macedonia ti'hua atelcoyi, aicalunxaqui. Ni petsi lahuelojnyi timana' la'eponga' laic', jouc'a jitpe lalunxajma' alsuetcoyi. ⁶ Linca LanDios lixoc'iponga' calata, ummepa lapima Tito, alsimpoltsi. Tolta'a li'ejma' LanDios, ja'ni alhuotsoyi lixoc'i'monga' calata. Illanc' tixoqui calata alsimpoltsi Tito. ⁷ Li'ipa calsina' imanc' joupa olixoc'ipa queta Tito, xonca tixoqui calata illanc'. Itque lu'iponga': "Lapimaye nomana' liya' Corinto juaiconapa tjanajyi tixintso'. Ixhuej'menamma ite li'ipa jitpe, itsiya linca tihuejco'mo'."

⁸ Iya' lijoupa lainumme'epolhuo' colje'e, ite lainini'epolhuo', caxhuelma. Cacia: Ite laiye'e aga tihuos'mi'mola' juaiconapa lapimaye. Itsiya aicaxhuelcoonghua. Ite laiye'e tama ihuos'mipolhuo' a'i nulemma quitafc'ilhuo'. ⁹ Iya' tixoqui neta. Linca ite laipixojma' cata aicalapi'i ite laihuos'mipolhuo'. Imanc' joupa olsuej'menamma al xujc'a li'ipa jitpe, toliya tixoqui neta iya'. Ite olsuej'menamma tetentcocojma LanDios. Toliya aiximpa ailopa'a qui'e'epolhuo' laiye'e. ¹⁰ Petsi lipihuotsoqueya tetentcocojma LanDios linca ixhuej'menamma li'epa. LanDios tuntu'e'mola'. Aimipai'iyacu lipicuejma'. Timana' nohuotsopa' petsi LanDios aimetentcocoya li'ejma'. Itne naihuejpa' quiltuca' lipicuejma', tejac'em'mola'.

¹¹ Linca i'huáqui joupa olsuej'menamma. Itsiya toipo'noyi cuenna te ts'i'ic' lo'epa. Oispic'epá oltalai'ecopoltsi, olixuc'opá itque ni'epa lixcay, olsimpá axpaiqui' lo'iyacolhuo', juaiconapa

tołjanajyi alsintsołtsi, ołspic'epá nulemma tołsanutsołtsi cataiqui', joupa oł'epá lijca, otteł'mipá ni'epa lixcay. Joupa ałmuc'iponga' aicołtaic' lajunac', ma le'a anuli jilpe i'epa lixcay.

¹² Iya' jilpe laininił'epolhuo' tama quixtu'hua ilque ni'epa lixcay jouc'a aiximpa cuanuc' locuena lilełcopa, xonca aipic'a tolimetsaicotsołtsi te ts'i'ic' lołpicuejma', aipic'a tołmuc'ile ŁanDios, tołmujtsołtsi alinca ał'nujuaitsinga' illanc'. ¹³ Ałsimpá tołta'a lixoc'iponga' calata.

Xonca lixoc'iponga' calata ile lipixojma queta Tito. Imanc' joupa olixoc'ipá queta. ¹⁴ Iya' joupa aimipa Tito: “Lałpimaye nomana' Corinto ac'a xanuc'. Lihuejco'ma.” Itsiya aicaxina' calaic'ata ile lainescopolhuo'. Małmana' jilpe ałpalaic'opolhuo' ma le'a al linca. Jouc'a al linca ile lałnescopolhuo' ałmipá Tito. Itsiya tołta'a i'huáqui, lihuejma. ¹⁵ Itsiya Tito xonca ti'elhuo' capic'a, ti'nujuaitsilhuo' imanc' loł'ejma'. Ti'nujuaitsi ac'a olapenufpá, aicoł—loł'e'mołtsi. Ołspic'epá toł'oc'etsotsti, tetenłcocola' loł'ejma'. ¹⁶ Itsiya iya' tixoqui neta juaiconapa. Aixina' ti'i'ma ca'huaiyjm'molhuo'.

8

¹ Unc'aipimaye, itsiya lu'i'molhuo' te ts'i'ic' lił'ejma' lałpimaye nafolyomma łamats' Macedonia. Iłniya ŁanDios acueca' lipaxnepola', epi'ipola' liłpicuejma' titoc'ile liłpimaye. ² Ine lałpimaye nomana' łamats' Macedonia tama titełcoyi juaiconapa, tama acueca' tehue'ela', tixoqui quileta efot'lepá acueca' al tomí tumme'me, titoc'ile liłpimaye. ³ Ma to ts'il'hueca icupa.

Lijou'ma, tama tocomma aimi'iya micuconayacu, icuconapá. Aiquixahue'ennila'. Ine quítuca' liṗicuejma' ixpic'epá ticute. ⁴ Aṣahue'eponga' juaiconapa, aḥminga': "Lapi'itsonga' lane jouc'a illanc' aṭoc'itsola' laṗimaye, iṣne jouc'a i'huexi LanDios. Illanc' jouc'a alafot'ḥeḥe laṭtomí." ⁵ Illanc' aḥmila': "Ne". Aṭcuayi laṗicuejma': "Ine tefot'ḥe'me liṭtomí". Linca, xonca acueca' i'epá. A'i ma le'a efot'ḥepá liṭtomí. Ate'a icu'moṭsi laṗPoujna, lijoupa aḥmiponga': "Lihuejco'molhuo' imanc". Toṭta'a lixpíc'epa LanDios.

⁶ Illanc' laṣimpa li'epa laṗimaye nomana' ḥamats' Macedonia aṭcuapá: "Laṗimaye nomana' Corinto jouc'a tefot'ḥeḥe nulemma al tomí locuyacu". Tito joupa ehuejnhuo'molhuo' anulemma. Imihuo'molhuo': "Toṭpangole tolafot'ḥeḥe al tomí, iṣe lolapi'iyacola' loṗimaye". Itsiya lumme'econa'molhuo' Tito tipalaic'otolhuo' tolafot'ḥeconṭe al tomí. Jouc'a timiconatolhuo': "Imanc' joupa oṗangopá tolafot'ḥeyi al tomí, itsiya toṭjou'neḥe iṣe lonṭ'epa". ⁷ Imanc' toluliquila' loṗimaye nomana' ocuenaye quíḥelotya'. Xonca toṭ'huaiyijnyi LanDios, xonca al c'a toṭmuc'iyaleyi litaiqui', xonca oṣsina', xonca tolihuejcoyi, xonca toṭ'nujuaisyi LanDios, jouc'a xonca toṭ'nujuaitsila' loṭ'as xanuc', tonṭ'ela' capic'a. Toṭta'a olapejpá lataiqui' laḥmuc'ipolhuo'. Itsiya camilhuo': "Ne'. Xonca toṭoc'itsola' loṗimaye."

⁸ Aicacuxelhuo'. Aipic'a toṭmujtsoṭsi aṭinca toṭ'nujuaisyi LanDios jouc'a tonṭ'ela' capic'a loṗimaye, toṭiya canescola' ac'a li'epa laṗimaye nomana' ḥamats' Macedonia, cu'ilhuo'.

9 Imanc' ołsina' li'epa łalPoujna Jesucristo. Mipa'a lema'a jahuay i'hueca, aimehue'e'. Ixpice'epa titoc'itsolhuo'. Ipic'a imanc' jouc'a aimehue'e'molhuo'. I'epoxi to cal xans pe aiqui'hueca. Ipo'nopa iłe h'huexi, tołta'a tolapenufta acueca' col'huexi.

10 Iya' cacua aimicuicomma cacuxeyacolhuo'. Aicamiyacolhuo': "Tolafot'łetsa al tomı́". Xonca tetenłma caxc'ai'i'molhuo'. Imanc' łınca olulijpola' lapimaye nomana' Macedonia. Ixhuaita anuli camats' lipangopa lolafot'łepa al tomı́. Imanc' a'i ma le'a ate'a ołpangopá tolafot'łeyi al tomı́, jouc'a ate'a ołspic'epá toł'etsa tołta'a. 11 Itsiya tołsuai'nitsa iłe lolafot'łepa al tomı́. Tołta'a a'i ma le'a tołnes'me: "Ne', ne', joupa ałspic'epá", jouc'a tolanant'h'ime iłe lołtaiqui'. Ma to ts'oł'hueca tołta'a tołcuta. 12 Petsi ahuata ts'i'hueca ŁanDios aimimiya: "Tapi'ıła' acueca". Ts'i'hueca acueca' tepi'i'ma acueca'. Ts'i'hueca ahuata tepi'i'ma ahuata. Ja'ni ahuata o acueca' locuya cal xans, ja'ni tixoqui queta tıcu'ma, iłque lo'eya tetenłcocojma ŁanDios.

13 Iya' laıxc'ai'ıpolhuo': "Tołtoc'itsola' lołpimaye", łte ja'ni aıpic'a ma le'a iłne lołpimaye xonca al c'a tuyalaıcotsa, tijouła' tehue'etsolhuo' imanc'? A'i. Tołta'a aıcaıpic'a. 14 Iya' cacua: Jahuay anuli tołuyalaıco'me al c'a. Itsiya imanc' aimehue'elhuo'. Lołpimaye aıquıł'hueca. Imanc' tołtoc'i'mola'. Tijouła', mouqui o pitsu, ja'ni tehue'etsolhuo' imanc', iłniya titoc'i'molhuo'. Tołta'a tołuyalaıco'me al c'a jahuay imanc'. 15 Ma to loya'apa al Paxi Linıłngiya tołta'a lo'ıyacolhuo': Iłne nefot'łepá xonca axpe' aıquıpanenni,

petsi nefot'lepá huata aiquehue'e'mola'.

¹⁶ Cax'najtsi'i ËanDios ipo'no'ipa lipicuejma' Tito titoc'itsolhuo', tixc'ai'itsolhuo'. Toŧta'a i'ipa anuli laŧpicuejma', iya' y Tito. ¹⁷ Itque linca epenufpa laŧmipa: “To'hua'ma, tahuejntola' laŧpimaye nomana' liŧya' Corinto”. Itque li'huapa a'i ma le'a lihuejco'monga' laŧsahue'epa illanc'. Maŧque quituca' ixpic'epa ti'huata'.

¹⁸ Alummeysi jouc'a ocuena caŧpima, tiyejmale'me Tito. Ni petsi lafoŧyomma, lapimaye tipalaicoyi al c'a itque laŧpima. Timetsaicoyi tuya'e' Lataiqui'. ¹⁹ Lapimaye nafot'lepoŧtsi ŧamats' Macedonia i'huij'epá itque laŧpima aŧejmaleŧe, alacantsa laŧtoc'iyacola' laŧpimaye pe nahue'epola'. Illanc' caŧuca' aimaŧeyacu, aimicuicomma. Aŧpic'a tixinŧe acueca' ac'a laŧPoujna, jouc'a aŧsinintsonga' ac'a laŧ'ejma', aŧsinintsonga' aŧinca aŧtoc'ila' laŧpimaye, aimalipa'ayi al tomí, ite laŧ'hua'ayacu. Ja'ni aŧpalaicom'monga' a'ijc'a jouc'a tetets'i'me laŧPoujna. ²⁰ Illanc' aŧpo'noyi cuenna. Acueca' al tomí, ite laŧtaiyacu, toŧiya aŧcuayi: “Aŧpo'no'me cuenna”. Ja'ni a'i ti'i'ma aŧcuf'monga', aŧmi'monga': “Imanc' oŧtepá al tomí”. ²¹ Ni petsi laŧtseyacu, jahuay laŧ'eyacu, aŧpo'noyi cuenna, aŧcuayi: “Aŧsintsonga' lan xanuc', jouc'a ËanDios aŧsintsonga', aŧ'eyi al c'a”.

²² Lummela' afantsi lapimaye, itniya Tito, jouc'a locuena capima, jouc'a ocuena'ya laŧpima. Itque laŧpima jahuay locux'e'empa tixoqui queta ti'e'ma. Toŧta'a aŧmuc'iponga' axpe' mi'ay. Itsiya xonca tixoqui queta ti'hua'ma jilpiya, tipalaic'otolhuo' imanc'. Ti'huaiyingilhuo' juaiconapa. ²³ Tito aŧejmalepá. Ma' anuli aŧ'eyi lanic' lalapi'iponga'

ŁanDios. Iya' ma capanehuo fa'a, itque ti'hua'ma jilpe pe lołmana'.

Loquexi' lapimaye itne ummempola' lapimaye nafolyomma ocuenaye quitelolya', itne linca timujyi acueca' ac'a hiPoujna Cristo. ²⁴ Tolapenuftsola' lam fantsi lapimaye. Tołmuc'itsola' imanc' al'nujuaitsinga'. Illanc' joupa ałnescopolhuo' al c'a. Tołmuc'itsola' ałinca lałnespa. Tijouł'a tołta'a ti'i'ma quilsina' lapimaye nafolyomma locuenaye quitelolya', tuya'ata itniya lummempola'.

9

¹ Tołe laıxc'ai'ipolhuo': "Tolapenuftsola' lapimaye". Aicamiyacolhuo' xonca. Joupa ołsina' lon'eyacu, tołtoc'i'mola'. ² Imanc' tixoqui cunlata tołtoc'ila' lołpimaye. Tołta'a laıfpalaicopolhuo'. Joupa nu'ipola' lapimaye nomana' Macedonia, aimipola': "Luyaıpa camats' itne lapimaye nomana' łamats' Acaya joupa efot'łepá al tomı. Ma le'a tehue'ela' tummetsa." Licuej'me tołta'a axpela' itniya icua'me: "Illanc' jouc'a ałtoc'i'mola' lałpimaye". ³ Itsiya cumme'e'molhuo' lam fantsi lapimaye, tixintsolhuo' ja'ni olafot'łepá al tomı. Ja'ni a'i, ite lainescopolhuo' al c'a ti'i'ma ma le'a ataiqui'. ⁴ Luyaıcotsa jilpe iya' jouc'a oquexi' afantsi lapimaye lun Macedonia, ałcuaitsa ja'ni aıcoljou'ne colafot'łe al tomı, linca ałsinna calaic'ata. Illanc' joupa ałpalaicopolhuo': Joupa olafot'łepá al tomı. Ja'ni aıcolafot'łe, łte imanc' aimołsinyacu calaic'ata jouc'a? ⁵ Tołiya cumme'e'molhuo' lapimaye. Joupa aıxc'ai'ipola' lo'eyacu. Itne tiye'me jilpe pe lołmana'. Tu'itolhuo' tołsuai'nile al tomı lolafot'łeyacu. Tijouł'a ca'hua'ma iya'. Imanc'

joupa olpo'nopá cataiqui', tołcu'me acueca'. Ne', tolafot'lele nulemma. Ja'ni a'i cacuaitsi iya' tucuicomma caxahue'etolhuo'. Tołta'a aicaipic'a. Aipic'a imanc' coltuca' tołcu'me.

⁶ Toł'nujuaitsa: Nofapa ahuata tefot'le'ma ahuata. Nofapa acueca' tefot'le'ma acueca'. ⁷ Ja'ni afule mocu'ma, o ja'ni to'huaijma ticuxe'entso', ile lo'ejma' aimetenłma ŁanDios. Cal xans ja'ni tixoquei queta tucu'ma litomí ile lo'epa tetenłcocojma ŁanDios. ⁸ Małque ŁanDios acueca' nipajnya titoc'i'molhuo'. Jahuay litiné nipajnya tepi'i'molhuo' laicuicomma, xonca tepi'i'molhuo'. Tołta'a aimi'i'ma cahue'eyacolhuo'. Tijoułta' ti'ila' col'huexi, ti'hua ton'e'me al c'a, ti'hua tołtoc'i'mola' lołpimaye. ⁹ Al Paxi Linilingiya tipalajma cal xans no'epa ile al c'a, ticua:

Tica'nela' li'hueca, titoc'ila' pe lahue'epola'.

Ile al c'a li'ejma' aimimenc'econyacu.

¹⁰ Lam fanu' lofapa lan xanuc', lepi'ipola' ŁanDios. Ma' anuli la'i lotepa, ŁanDios lepi'ipola'. Małque ŁanDios tepi'i'molhuo' ile lolapi'iyacola' lołpimaye. Tijoułta' xonca acueca' tepi'i'molhuo'. Ja'ni ac'a lon'e'epola' lołpimaye, xonca al c'a tepi'innolhuo'. ¹¹ Imanc' aimehue'eyacolhuo', ti'i'ma tołtoc'icona'mola' acueca' lołpimaye.

Lapimaye napenufyacu lałtaiyacu illanc', ile lolapi'iyacola', tix'najtsi'i'me ŁanDios, timuj'me acueca' ilque. ¹² Linca lolapi'iyacola' lapimaye titoc'i'mola', aimehue'econa'mola'. Tijoułta' xonca acueca' lo'iya. Iłniya lanxpela' tix'najtsi'i'me ŁanDios.

¹³ Lepenuftsa lolapi'iyacola', lapimaye tixim'me acueca' ac'a lo'epa ŁanDios, tix'najtsi'i'me. Tix'najtsi'i'me, imanc' olspic'epá

tołtoc'itsola'. Tix'najtsi'i'me, alinca tolihuejcoyi Lataiqui', iŕe Litaiqui' Cristo. A'i ma le'a ołnespá: "Lihuejco'me". Tix'najtsi'i'me, imanc' a'i cunc'afts'ile, acueca' tołtoc'ila' iłniya jouc'a jahuay lapimaye. ¹⁴ Tixim'me acueca' lipaxnepolhuo' ŁanDios, ipo'no'ipolhuo' lołpicuejma' tołtoc'itsola'. Tołiya ti'nujuais'molhuo' juaiconapa, tixahue'e'me ŁanDios titoc'itsolhuo' jouc'a.

¹⁵ X'najtse'eya ŁanDios, joupá lapi'iponga' iłque xonca acueca'. Iłque łalapi'iponga' ŁanDios ailopa'a co'onłcoya.

10

¹ Iya' ninPablo caxa'huelhuo' lihuejcotsonga'. Tołnujuaitsa li'ejma' łalPoujna Cristo. Iłque amanxu. Aiquiłof'eyoxi, i'ommaita li'ejma' lan xanuc'. Timana' jilpe nałnescopa, ticuayi: "Iłque Pablo małmana' anuli tocomma to ninaitsi xans. Mipa'a ocuena quilya' jilpe lixtuc'onga', linił'enga', ałtalenga'. Fa'a a'i." ² Linca ti'i'ma quixtuc'o'mola' hualca nomana' jilpe, iłne nonespá: "Pablo y liłejmale tihuejyi ma quiltuca' liłpicuejma'". Caxa'hueconalhuo': Lihuejcotsonga'. Tołta'a aimalixtuc'oyacołtsi. ³ Iya' camilhuo': Tama ninc'ixanuc' aimalihuejyi caltuca' łalpicuejma'. A'i tołta'a małcuanajcoyołtsi. ⁴ Linca ŁanDios lapi'iponga' łalpa'necoyacołtsi. A'i tołta'a mepi'iyacola' lan xanuc' naihuejpa' quiltuca' liłpicuejma'. Illanc' xonca acueca' łalmane łalapi'iponga' ŁanDios, ał'oc'enatsola' iłne petsi tocomma aimi'iya muliquinyacola'. Ti'i'ma lulij'mola' nopalaipá, iłniya atsila' łıłtaiquí, ⁵ jouc'a pe nołof'epołtsi,

nocuapá: “Joupa aixina”. Iñe tetets'iyi ËanDios, aiquisina' te ts'i'ic' lipicuejma'. Ti'i'ma ałmuc'i'mola' timenaquila' iñniya pe noxpíc'epá lo'eyacu iñe quiltuca', tihuejcofe Cristo. ⁶ Tołta'a camilhuo': Lihuejcotsonga' illanc'. Tijoułta' ja'ni hualca aimalihuejcoyaconga' ałtel'mitola'. Joupa ałspic'epá iñe lał'eyacu.

⁷ Imanc', ¿te limetsaiconga' le'a to lał'ejma' małmana' anuli jilpe? Aga timana' jilpiya nocuapá: “Illanc' ñinca lapenufponga' Cristo”. Iya camila' iñniya: “Tołspic'econafe imanc' cołtuca' lołpicuejma'. Tołta'a limetsaico'monga' illanc' jouc'a lapenufponga' Cristo, a'i ma le'a imanc'.” ⁸ Iya' joupa aimipolhuo': “ËanDios lapi'iponga' lałmane”. Ja'ni capalaicocona'ma tołta'a ma' al ñinca laifnuya'aya. Aicaxinya calaic'ata.

Iñe lałmane lapi'iponga' lałPoujna. Iñque ixpic'epa ałtoc'itsolhuo', tifayila' xonca' lołpicuejma', aimalajac'eyacolhuo'. ⁹ Cacia: Iñe laininił'epola' laipimaye, ¿ja'ni tixpaic'e'mola'? Tołiya aimipolhuo': Aimalajac'eyacolhuo'. ¹⁰ Ñinca jilpiya timana' nocuapá: “Pablo, jilpe lije'e atsila' lałaiquí linespa. Minił'ma acueca' ałcuxenga'. Micuaihuo fa'a ałsinyi ni mipalay c'a.” ¹¹ Iya' cacia: Ne', ti'ila' quilsina' iñniya joupa imenajpola'. Ma to muya'e' lałje'e laliniłpa fa'a, ma' anuli lał'eyacu jilpe.

¹² Jilpiya timana' nonescopołtsi al c'a, ticuayi: “Illanc' ñinca ał'eyi lanic' lalapi'iponga' ËanDios”. Iñe tehuelojnyołtsi ma quiltuca'. Tołiya tixinyołtsi to lan c'a xanuc'. Illanc' aimi'iyá mał'onłiyaconga' to iñniya. Tocomma xonca lan tsila' xanuc'. Ne', tipajñla'. Ma le'a cacia: Petsi acueca' lipicuejma'

aimi'eya to ihniya. ¹³ Illanc' ja'ni ałpalaico'moltsi ałspij'me lałtaiqui'. Ałpalaico'me li'ipa małeyi lanic', iŕe lałpenic' lalapi'iponga' ŁanDios. Ma' ilque ŁanDios lu'iponga' petsi lał'eyacu lanic'. Tohiya całtsecohuo'me pe lołmana', jilpe ał'etsa lanic'. ¹⁴ Ja'ni coła' aicaltsec' pe lołmana', ja'ni coła' aical'aic' canic' jilpiya, ¿te ti'i'ma cacuxe'molhuo'? ¿Te ti'i'ma cami'molhuo': "Lihuejco'monga"? A'i, aimi'iya. Illanc' alinca ninc'itet'la ałtsehuc' me jilpiya. Jilpe joupa luya'ahuo'me Lataiqui'.

¹⁵ Aimalpalaicoyi lo'epa locuenaye. ŁanDios joupa ixpicufpa łamats' lał'eyoyacu lanic' illanc'. Jilpe ał'epá lanic'. Ałpalaicoyi li'ipa małpiya.

Ałcuayi: Lałpimaye nomana' Corinto ti'hua ti'huaiyijnyi Jesucristo. Ti'ila' xonca acueca' li'huaiyijmpa, xonca limetsaico'monga'. Tołta'a xonca ał'eta lanic' petsi ŁanDios lixpicufpa ał'etsa. Aimaltsuflaiyacu locuenaye liłpenic'. ¹⁶ Tijoula', le'me xonca aculi', a'i ma le'a pe lołmana' imanc'. Le'me petsi ŁanDios lalumme'eyacongá'. Pu'huanni ał'eta canic'. Tijoula' ałpalaico'me iŕe lanic' lał'epa illanc', a'i lanic' li'epa locuenaye.

¹⁷ Iya' cacua: Cal xans ts'ipic'a tipalaicołá' al cueca', ne', tipalaicołá' lałPoujna. ¹⁸ Cal xans nopalaicopoxi quituca', ja'ni tinesla': "ŁanDios alummepa", ilque aimi'iya mepenufnyacu. Ja'ni ŁanDios timujla' lummepe, linca ti'i'ma tepenufim'me.

11

¹ Aga capalay to łamac'ta. Imanc' toł'ommołaitsa laifmipolhuo'. Ałquim'ela'. Aixina' toł'ommołaita. Ne', ti'hua toł'ommołaitsa. ² Linca ca'elhuo' capic'a

juaiconapa, iŕe laipicuejma' joupá lapi'ipa ÑanDios. Litine imanc' loŕ'huaiyijmpa Jesucristo aimipa iŕque: "Ti'itso' to quiŕpe'Ailli' iŕniya. Toŕta'a litine tocaic-oconanni cacutsola', toxim'mola' to anuli cal c'a cahuats'. Tapenuf'mola' toŕta'a." ³ Itsiya cax-hueŕma. Ca'nujuaitsi li'ipa Eva, ifel'mipa ñainofaŕ, acueca' a'ijc'a lipicuejma' iŕque. Cacia: Laipimaye nomana' Corinto aga tifel'mim'mola' jouc'a. Ti-jouŕa' tihuej'me ocuena, a'i le'a Cristo. ⁴ Joupá aiximpolhuo' imanc' loŕ'ejma'. Ja'ni ticuaitsa jiŕpe iŕne nopalaicopá tocomma ocuenaj Jesús, a'i to laŕpalaicopa illanc', o ja'ni mepi'innilhuo' ocuena' eŕpíritu, a'i to joupá loŕapenufpa, o ja'ni ocuena cataiqui' loya'apa, a'i to joupá loŕapejpa, imanc' tixocu' cunlata toŕquimf'eyi, toŕ'ommoŕaispá.

⁵ Iŕne nomuc'ipolhuo', imanc' toŕsinnila' to xonca lan tsila' apóstole. Iŕne, ¿ja'ni luliŕqui iya'? Cacia: A'i. ⁶ Iya' tama a'i nomxi cataiqui', ñinca ÑanDios lapi'ipa laipicuejma'. Jouc'a tipa'a laixina'. Aix-ina' cuhuaŕma Lataiqui'. Maŕmana' jiŕpe toŕta'a aŕmuc'iyaleyí.

⁷ Iya' capa'a jiŕpe ca'e'eyoxi to ninaitsi xans. Ailopa'a cainepenufpa. Ma cuya'e' Lataiqui' aica'najtsi'ilhuo'. ¿Te a'ijc'a iŕe laif'epa? ¿Te tohiya latets'ipa imanc'? ⁸ Lai'epa lanic' jiŕpe pe loŕmana' imanc', lume'e caitomí lapimaye lafoŕyomma ocuenaye quiŕelolŕya'. Tocomma to ca'najtsi'ila' iŕne lapimaye, tijouŕa' catoc'ilhuo' imanc'. ⁹ Capa'a pe loŕmana' tama lahue'epa aicaixa'hue'molhuo' imanc'. Aimi'moxi: "Aicaxoc'iyacola' laipimaye nomana' liŕya' Corinto". Ma' anuli itsiya, toŕta'a laifnespa. ¹⁰ Iŕe lai'ejma' caxina ac'a. Jahuay

lamats' Acaya ailopa'a nałpai'iyá laipicuejma'. Laifcuapa tołta'a aicafel'milhuo', iya' quihuequi Cristo. ¹¹ ¿Te caifcuacopa tołta'a? ¿Te ja'ni aica'elhuo' capic'a? ¿Te catets'ilhuo'? A'i. LanDios ixina' ca'elhuo' capic'a. ¹² Tama ca'elhuo' capic'a ti'hua ca'e'ma to ca'ay. Tołta'a ałcuanajco'mołtsi iya' y lałejmale. Tołta'a ti'i'ma lałtalai'e'eyacola' iłne pe no'e'epołtsi to lan tsila' apóstole, iłne ti'e'eyołtsi anuli illanc'. Ałmuj'me a'ij linca lonespa.

¹³ Iłne a'i apóstole, pangay infel'miyale. Iłe lanic' lo'epa aiquepi'ila' LanDios. Ma le'a ti'e'eyołtsi. Cristo aicummela'. ¹⁴ ¿Te cołcuapa: “A'i tołta'a mi'i”? Camilhuo': Ti'i. Lonta'a Satanás, qui'huayomma al muf, iłque ti'e'eyoxi to łapaluc quema'a. Ti'e'eyoxi to qui'huayomma pe lopa'a pangay quepalc'o'. ¹⁵ Ja'ni lonta'a ti'e'eyoxi to quepaluc LanDios, iłque lo'epa le'a al c'a, linca ma' anuli ti'e'e'mołtsi iłne lummepola' lonta'a. Itsiya tołta'a lo'epa, tijoułta' ti'najtsi'im'mola' iłe li'epa lixcay.

¹⁶ Camiconalhuo': Ał'ommaitsi. Aimol'nes'me: “Amac'ta iłque Pablo”. O ja'ni tołnesle tołta'a, ne', tołnesle. Le'a ałquimf'eta' laifmiyacolhuo'. Tama acuej namac'ta, capalaico'moxi huata, cu'i'molhuo' te ts'i'ic' lainuyaicopa. ¹⁷ Iłe laifmiyacolhuo' capalaic'o'molhuo' a'i to anuli ts'ihuequi Cristo. Ma le'a laipemac'ta capalaico'moxi. ¹⁸ Linca axpela' tipalaicoyołtsi iłne quiltuca'. Iya' jouc'a ca'e'ma to iłniya, capalaico'moxi.

¹⁹ Ja'ni capalaijma laipemac'ta aixina' ałquimf'e'ma. Imanc' acueca' juaiconapa cołpicuejma', tołiya tixoqui cunlata toł'ommołaispola'

lan mac'ta. ²⁰ Ja'ni ti'e'etsoltsi colpoujnalá, ja'ni texic'e'etsolhuo' loł'huexi, ja'ni tifel'mitsolhuo', ja'ni ti'e'etsoltsi to lan tsila' xanuc', tetets'ilhuo', ja'ni titaletsolhuo', tuntaf'e'etsolhuo' loł'a, linca jahuay ilna'a toł'ommołaispá. ²¹ Illanc' małmana' jilpe linca ailopa'a tołta'a acueca' całpujfxi. Toliya, ¿te ałsim'me calaic'ata?

Imanc', ¿te ołpic'a ilne pe nopalaicopoltsi quiltuca'? Ne'. Jouc'a iya' capalaico'moxi caituca'. Itsiya linca capalay to łamac'ta. ²² Ilne ticuayi: "Illanc' linca xonca ixanuc' ŁanDios. Illanc' ninc'hebreo, illanc' ixanuc' Israel, Abraham ałtatahuelo." Ne'. Iya' jouc'a ti'i'ma canesco'moxi tołta'a. ²³ ¿Te ticuayi: "Illanc' ał'eyi lanic' lalapi'iponga' Cristo, ilque alummeponga'?" ¡Ne! Iya' jouc'a ca'ay lanic' lalapi'ipa Cristo. (Itsiya capalay to łejac'pa quipicuejma'.) Cacia: Iya' joupa nulijpola' jahuay ilniya. Xonca acueca' canic' iya' lai'epa, xonca ałtats'empa, xonca ałsinc'ue'empa. Axpej ał'ipa tocomma ałma'a'ma, afule nuntupa. ²⁴ Ma to mi'eyi lan xanuc' judío ałsinc'ue'e'ma anuxans quimbamaj pelła. Amaquemma ał'e'empa tołta'a. ²⁵ Afanemma lan xanuc' romano ałsinc'ue'ecom'ma af'ix'ec. Anulemma lipaf'quim'ma capic, ilpic'a ałma'anta'. Afanemma ma caquie łaja if'acai'ma al barco. Anulemma aipanenni anuli quipuqui', anuli quitine jilpe łaja, lijou'ma lipa'ana'ma, lunłu'enapa. ²⁶ Axpe' ca'hua lane, ma cuya'e' Lataiqui', aitelcopa. Ja'ni lan tsilaj panay, ja'ni lan namats', ja'ni laif'as xanuc' judío, ja'ni locuenaye xanuc' pe aimimetsaicoyi ŁanDios, ja'ni capa'a liłya', ja'ni capa'a cal 'ec, ja'ni caquie łaja, ja'ni capa'a pe lomana' ilne

nonescopotsi “apimaye”, y a'i capimaye, ma' anuli catełma. ²⁷ Juaiconapa ca'ay canic', caxina ixoqui, juaiconapa ałacoli cahuí, axpej ma'i cunle'e, ticuimma caija', juaiconapa caxnet'łqui, aicatesma, juaiconapa a'aiqui, caxina caxita, lahue'e' caipijahua', ailopa'a caifpoxya.

²⁸ Jahuay iłiya catełma. Jouc'a itine itine caxhuełma jilpe laipicuejma', aicunxaqui. Ca'nujuaitsila' laipimaye ni petsi lafołyomma.

²⁹ Anuli łapima ja'ni a'ij cueca' łunxajma', ¿te aicaxhuełma? Łınca caxhuełma. Tocomma to ma' anuli a'ij cueca' łalunxajma'. Łocuena łapima, ja'ni ic'uilitsuf'empá, ¿ja'ni iya' aiqixtuya? Łınca quixtu'hua juaiconapa.

³⁰ Ja'ni ticuicomma capalaicoconaxoxi, ne', capalaicocona'moxi. Aicanesya al cueca' lai'epa iya'. Cuya'a'ma lał'ipa, iłe ał'e'e to ninaitsi xans, tocomma to ailopa'a caif'eya. ³¹ ŁanDios ixina' al łınca laifnescoyacoxi, ixina' aicafel'miyacolhuo'. Małque ŁanDios enDios y i'Ailli' lałPoujna Jesús. ¡Jahuay łitiné tijauhuamlaicota ałs'najtsi'ıle!

³² Luyaipa quitine capa'a liłya' Damasco tocomma to aicunłuya. Jilpe ts'ipenic', iłque lifajpa cal rey Aretas, ixpic'e'ma cola' ał'noł'ma. Ecaxu'mola' no'epá cuenna hipuerta liłya'. Tolta'a aimi'ıya qui-paya iya'. ³³ Lapimaye ałcus'mi'ma anuli al tsiqihuił. Alipa'acom'ma al ventana, lacangim'ma lix-pula caitał liłya'. Tolta'a lunłu'empa limane cal rey.

12

¹ Tama latets'i'ma ti'hua capalaico'moxi lał'ipa iya'. Capalaico'ma iłe laifximpa jilpe laipicuejma', iłe lałmuc'ıpa lałPoujna. ² Ma capalaicoyoxi cacua:

Tołta'a liximpa anuli cal xans łepenufpa Cristo. Ixhuaita imbamaj malpu' camats' iłque cal xans if'ajpa lema'a xonca al toncay. (Ja'ni if'ajpa jouc'a licuerpo, o ja'ni ipanemma licuerpo fa'a li'a łamats', ma le'a lipicuejma' if'ajpa al toncay, aicaixina'. ŁanDios ixina'.) ³⁻⁴ Aixina' if'ajpa iłque cal xans, icuaita pu'hua al toncay pe lacui'impa al Paraíso. (Ja'ni if'ajpa jouc'a licuerpo, o ja'ni ipanemma licuerpo fa'a li'a łamats', ma le'a lipicuejma' if'ajpa al toncay, aicaixina'. ŁanDios ixina'.) Jipu'hua al toncay, jilpe al Paraíso, icuej'ma tipalquinni. Iłe licuej'ma aimi'iya mu'inyacu. ŁanDios aiquepi'ila' lan xanuc' tołta'a liłmane, aimuya'ayacu. ⁵ Linca capalaico'ma al cueca' li'ipa iłque cal xans. Aicuya'e': Acueca' lai'epa iya'. Cuya'a'ma laitelcopa, al'onłcota to ninaitsi xans. ⁶ Ja'ni aipic'a capalaicoxoxi, ma ti'i'ma, a'i mi'iya camac'ta cataiqui'. Aicafel'miyale'ma. Linca aicapalaicoyacoxi. Aicaipic'a. Cacua: Limetsaicołta' ma to małsina'. Lahuelojnla' te ts'i'ic' laif'epa, alquimf'ela' laitaiqui'.

⁷ Linca, tama al muc'ipa iłe al cueca' juaiconapa, ŁanDios ipic'a aicalof'e'moxi. Tołta'a lapi'ipa laiftelcopa. Jifa'a laicuerpo ixingufcopa to lanaispa litac. Epi'ipa Satanás liłmane, iłque lume'epa anuli łiponta'a luntafła', ti'hua luntafqui. ⁸ Afanemma caxa'hue łalPoujna, cami: "Ti'huanłta' iłque, aimaluntafcona'ma". ⁹ ŁalPoujna alłmipa nulemma: "A'i. Ma tołe tipajnla'. Iya' catoc'i'mo' to'ommailsi, linca to'ommaita. Iłne pe ailopa'a co'eyacu, xonca timujyi acueca' laimane, acueca' laif'epa."

Tołta'a aicaxa'hueconghua ŁanDios. Itsiya tixoqui neta capenufi iŁe laiftełcopa. Aicatets'i. Ma capalaicoyoxi cacua: Ac'a laifnuyaicopa. Ma catełma caxina acueca' ałtoc'i Cristo, caxingufi al cueca' lo'epa iłque. ¹⁰ Cacua: Tetentłcocola' Cristo lai'ejma'. Tołta'a tixoqui neta capenufi jahuary. Ja'ni ałtafquemma, ja'ni ałmiloqui cataiqui', ja'ni lahue'e', ja'ni lihuetsoquinno, ja'ni tocomma atan-sca laipene, laifnuyaicopa, jahuary capenufi, aicahuos'miyacoxi. Ja'ni ailopa'a caipujfxi, ja'ni aimi'iyca ca'eya, Cristo ałtoc'i, ca'e'ma acueca'.

¹¹ Tołta'a laipalaicopoxi. Tocomma nintonno. Imanc' tołtaiyi lajunac'. Nipajnya ałpalaico'ma ac'a, aicołcuac'. Ine no'e'epołtsi to lan tsila' apóstole, licuaita pe lołmana', ¿te xonca canic' qui'epa iłniya? Linca aicaluliqui tama iya' ninaitsi xans. ¹² Małmana' anuli jilpe aimalșospa, itine itine ca'enghua lanic' lalapi'ipa ŁanDios. Iłque imuc'ipolhuo' ałinca iya' nin'apóstol. Iłniya litiné małque ŁanDios imuj'moxi, i'e'ma al cueca' juaiconapa. Acueca' juaiconapa ipaxnepolhuo'.

¹³ Laitsehuo'ma locuenaye quitelołya', ¿te xonca ac'a lai'ejma' petsi lafołyomma locuenaye lapimaye? Linca ituca' lai'ejma' pu'huanni, capenufi al tomí lalapi'ipa iłne. Małmana' anuli imanc' ailopa'a cainepenufpa. Caxa'huelhuo': ¡Limenc'e'ecoła' iŁe lalimenajpa!

¹⁴ Joupa aixpic'epa cahuejnconatolhuo'. Cacuaicontsi jilpe ti'i'ma afanemma. Ałmajnta anuli aicaxa'hueyacolhuo', aicamiyacolhuo': "Ałtoc'ıta". ¿Te aipic'a loł'huexi? A'i. Imanc' linca ca'elhuo' capic'a. ¿Te la'uhuay ti'huej'me

lił'huexi titoc'ile quił'ailli'? A'i. Quił'ailli' linca ti'huej'ma li'huexi titoc'itsola' linaxque'. ¹⁵ Iya' to col'ailli' tixoquij neta cacu'ma jahuay lai'hueca catoc'icotsolhuo'. Cacu'moxi jouc'a. Cacia: Tijoutsı laipujfxi, tuntul—le laipimaye.

Cacia: ¿Ja'ni ca'elhuo' capic'a juaiconapa, toliya imanc' ahuata le'a al'ay capic'a? ¹⁶ Ne', tole tipajnlá'. Jiłpe timana' nañescopa, ticuayi: “Acueca' lipicuejma' Pablo. Mipa'a fa'a tama aiquepenufı tomı ixina' tifel'miyale. Lijou'ma linca epenuf'ma.” ¹⁷ A'ij linca ile liłtaiqui' ilne nonespá tołta'a. Lainummepola' pu'huanni, ¿te anuli ilniya ifel'mipolhuo'? A'i. ¹⁸ Aixa'huepa Tito ti'huałá' tehuejntsolhuo'. Jouc'a nummepa lapima tiyejmalele Tito. ¿Ja'ni Tito ifel'mipolhuo'? A'i. Imanc' joupa alsimponga' ma' anuli lałpicuejma', lał'epa.

¹⁹ Aga tołcuayi: “Tołta'a alıtalai'e'enga' Pablo y liłejmale, ticuanajcoyołtsi”. A'i. Aimalıcyanajcoyołtsi. Alısinı EanDios alıjuez. Malıpalaiyi alınujuaisıyı Cristo joupa lapenufponga'. Alıpic'a alıtoc'itsolhuo' imanc' laıcalıpimaye. Alıpic'a alıfa'etsolhuo' xonca lołpicuejma', tołta'a lınił'elhuo'. ²⁰ Cacuaitı jıłpiya aıpic'a latenııcocotsı loł'ejma', jouc'a imanc' tetenııcocotsolhuo' iya' lai'ejma', aimalıxtuc'otołtsi.

Itısiya caxhuełma. Cacia: Laipimaye nomana' liłya' Corinto, ¿te ts'i'ic' muyalaıcoyi? ¿Te tıfuleyi, o ti'eyołtsı laıc', o tıxtulemma, o a'ij nuli liłpicuejma', o timıyołtsı cataıqui', o tınescıyołtsı, o tılof'eyołtsı? ²¹ O cacuaitı aga tıłmana' ilne petı ti'econayı al xujc'a, tıxhuıcoyi lacał'no', ti'econayı loxahue'epola' liłcuerpo. Ja'ni tołta'a mıłmana',

linca ÑanDios ał'oc'eta, ti'i'ma acueca' laipihuoatso-
queya. Cajojcumletola' iñe lanxpela' no'econapa
al xujc'a. Aiquisuej'meya nulemma li'epa lixcay.

13

¹ Cacuaitsi jilpiya pe lołmana' ti'ico'ma
afanemma cahuejn-nilhuo'. Cacuaitsi ja'ni
tipa'a li'ipolhuo' tikuicomma afantsi, o ja'ni
aimi'iya afantsi le'a oquexi', ti'ila' anuli lonesyacu.
Tijoula' alsanuta ihiya. ² Caculaicontsi jilpe ca'eta
ma to joupa laimipolhuo' małmana' anuli.
Al te'a laitsehuo'ma aicainu'ilhuo' tołta'a.
Lihuequi laitsecohuona'ma linca nu'ipolhuo'.
Itsiya ma capa'a fa'a cu'iconalhuo'. Cu'ila'
iñe ni'epá quixcay, iñe petsi aiquisuej'meya,
jouc'a locuenaye pe aimalihuejma, camila':
Caculaiconatsi ja'ni ti'hua tieconayi nixpiya
aiquimenc'e'econayacola'. Cateł'mitola'.

³ Imanc', ¿te oł'huaijma Cristo timuc'itsolhuo'
alummepe, alcuxe'e laitaiqui' laifpalaipa? Ne'.
Tołsim'me te ts'i'ic' ilque Cristo. Ilque a'i ninaitsi
xans, acueca' limane ilque. ⁴ Lepałts'ingimpa Cristo
lancruz tocomma to ninaitsi xans. Limaf'i'inapa
ÑanDios epi'ipa acueca' limane. Illanc' ts'alihuequi
ilque Cristo tocomma to ninaitsi xanuc'. Alcuaitsa
jilpe alsinnonga' linca almaf'i'. Almuc'itolhuo' acueca'
lałmane alapi'iponga' ÑanDios.

⁵ Imanc' tołsintołtsi cołtuca' te ts'i'ic' lołpicuejma'.
Tolicuis'etsołtsi imanc' cołtuca', ¿ja'ni toł'huaiyijnyi
Cristo o a'i? ¿Ja'ni aicołsina' jilpe tipa'a Jesucristo,
anuli lołmana'? O, ¿aga ailopa'a, aimoł'huaiyijnyi?
⁶ Iya' cacua: Alsintsonga' illanc' alinca ał'huaiyijnyi,
aimałfel'miyaleyi.

7 Jifa'a alsahue'eyi ÑanDios titoc'itsolhuo', aimo'econa'me quixcay. Malsahue'eyi to'ta'a aimalnesyi: "Lal'pimaye tihuejco'le lataiqui' lal'u'ipola' illanc', to'ta'a lan xanuc' limet-saico'monga', tines'me: Alinca Cristo lummepola' ihniya." Tama aimalimetsaiconyaconga' illanc', al'pic'a tonl'ele al c'a imanc'. 8 ÑanDios lapi'iponga' lal'mane altoc'itsolhuo' tolihuejle Lataiqui'. Ja'ni tolihuejcoyi aimi'iya malixtuc'oyacolhuo'. 9 Linca tixoquei calata luyalaico'me ja'ni imanc' acueca' lo'pufxi, ja'ni alinca tolihuejyi Cristo. Tama illanc' tocomma to ninaitsi xanuc' aimalsuetmot'leyacu. Alsahue'eyi ÑanDios ti'ila' to'ta'a lo'ejma'. 10 To'sanuto'stsi nulemma. Ja'ni aimo'sanuyaco'tsi cacuaicon'tsi jil'pe cataletolhuo'. Cacia: Aimi'i'ma to'ta'a. To'hiya ma capa'a fa'a quini'elhuo' ita'a lo'je'e. ÑanDios alapi'ipa lal'mane cafa'etsolhuo' xonca lo'picuejma', a'i cate'c'eyacolhuo'.

11 Cunc'aipimaye, ti'hua tijou'ma laifnini'epolhuo'. Itsiya cu'ilhuo': To'sanuto'stsi cataiqui'. Aimo'huotso'me. Ti'ila' ma' anuli lo'picuejma'. Aimo'fuli'i'mo'tsi. Ja'ni ti'ila' to'ta'a lo'ejma' ma ÑanDios titoc'i'molhuo', to'majnta anuli. Malque ÑanDios lapi'inga' lal'picuejma' al'etsotsi capic'a, al'ejmale'le al c'a. 12 Tolu'itsola' lapimaye: "Pablo tinonilhuo'". To'tuc'otsotsi lo'peque ma to mituc'o'mo'tsi lapimaye, ihne i'huexi ÑanDios. 13 Lapimaye nomana' fa'a, ihne jouc'a i'huexi ÑanDios, jahuay ihniya tinonilhuo'.

14 Jahuay imanc' ti'ila' co'sina': Lal'Poujna Jesu-cristo titoc'ilhuo', ca'l'Ailli' ÑanDios ti'nujuaitsilhuo',

cal Espíritu Santo efot'lepolhuo', tolejmaleyi anuli
iŕque.

Lataiqui' loya'apa ñe al c'a lixpíc'epa LanDios
New Testament in Chontal, Highland Oaxaca
(MX:chd:Chontal, Highland Oaxaca)

copyright © 1991 Wycliffe Bible Translators, Inc.

Language: Chontal, Highland Oaxaca

Translation by: Wycliffe Bible Translators, Inc.

Chontal, Sierra de Oaxaca [chd], Mexico

Copyright Information

© 1991, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chontal, Highland Oaxaca

© 1991, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 30 Dec 2021

6400fb6e-80e3-5cbe-8b37-1a879c9db6c6